

नटराज सुसंभाला



श्रीगणेशाय नमः

विश्व



VISVA-CHARATI

281526

LIBRARY

श्री विश्वनाथ स्वामी

বিশেষ সংস্করণ। শ্রীমদলাল বসু -বিচিত্রিত

ফাল্গুন ১৩৮০ : ১৮২৫ শক



ନୂତନ ମୀଠ ଓ ଶର୍କରା ଯୋଗ "ନିଃଶର୍କ" ଖାଲିପୁନିଆର
ଦ୍ୱାରା କାର୍ଯ୍ୟକାରୀ ଭାବରେ ଅଭିନୀତ ହୋଇଛି ।

ନିଃଶର୍କ ଚାଷରେ ଚାଷୀ ଏକ ସମାଧାନର ଅନ୍ତରାଳ
ପରିଚାଳନା କ୍ଷମାଳାରେ ଶର୍କରା ଓ ନିଃଶର୍କ ଚାଷ,
ଚାଷୀ ଏକ ସମାଧାନର ଅନ୍ତରାଳରେ ଶର୍କରା ଓ ନିଃଶର୍କ
ଉତ୍ପାଦିତ ହିତେ ଥାଏ । ଅନ୍ତରାଳ ଚାଷର ସମାଧାନର
ଏହି ବିଷୟ ନୂତନ ଯୁଗ ଯୋଗ ଦିତେ ପାରିଲେ
ଶାସ୍ତ୍ର ଓ କୃଷିର ଅନ୍ତରାଳ ଲୀଳାରେ ଉତ୍ପାଦିତ
ଆବଳୀ ଏକ ସମାଧାନ ହେବ । "ନିଃଶର୍କ" ଖାଲିପୁନିଆର
ଏହି ସମାଧାନ ।

ଡଃ. ବି. ପ୍ରଧାନ



ନୀଳଗଣ, ଆମି ତବ

କର୍ତ୍ତ-ନିତ୍ୟ, ନାଥେ ଅର୍ଥକେ ତବ ସୁକ୍ତିସନ୍ତ ମର୍ତ୍ତ।

ତ୍ରାସାର ଶୁଭଚାଳେ କର୍ତ୍ତେ ଚକ୍ର-ସୁନ୍ଦରାଲି

ହେବେଲେ ଅପମୋକ୍ଷ ପାଳେ ପାଳେ ଅନ୍ତ ପାଳେ ସୁଲି;

ମର୍ତ୍ତ ଅପମୋକ୍ଷ-ସର୍ତ୍ତ ~~କର୍ତ୍ତ~~ ହିନକର୍ତ୍ତ ଅବନୟ ଚକ୍ର

ଆଲୋଚିତେ ନାୟ-ନାୟ ।

ସ୍ତୁତ୍ତ, ଏହି ଆସାର ଚକ୍ରନା

ନୂତନାସାର ଅର୍ଥକେ ଚକ୍ରଚଳେ, ତୁମି ମୋକ୍ଷ ମୁକ୍ତ,

ଆଲୋଚିତେ ଆବଳି ପାଏ ଚକ୍ର ମୋକ୍ଷ କାବେ ମୁକ୍ତମୁକ୍ତ ।

ସୁନ୍ଦରାଲି ନିତ୍ୟ-ତବ, ହେବୁନ, ଆଗାଳେ ବିଷୟଲେ

କେନ୍ଦ୍ର ନୋକ୍ଷେ ନୂତନ, ନିକ୍ଷିପ୍ତବାୟୁ ଶାଳିକର୍ତ୍ତେ,

ସାଲିକାର ମାଳିକାର୍ତ୍ତେ, କିନ୍ତୁକ୍ତେ ଦୀପ୍ତକର୍ତ୍ତେ,

ବିଷୟକେ ମୁକ୍ତାପ, ଅପମୋକ୍ଷେ ନୋକ୍ଷେ କୋକ୍ତେ,

କର୍ତ୍ତେବିଶିଷ୍ଟକର୍ତ୍ତେ ନିକ୍ଷିପ୍ତ ମାଳିକେ ବିଷୟକେ

ହେବୁନ ଚକ୍ରଚଳେ, ଆମ୍ଭମାଳିକାର୍ତ୍ତେ ଅବତାର ମାନ,

ମାଳିକାର୍ତ୍ତେ ମାଳିକାର୍ତ୍ତେ ଅବତାରେ ଧର ଅବତାରେ

ଆଲୋଚିତେ ନାହିକର୍ତ୍ତେ; ଅବତାରେ ଆସାର ଆହୁର

କର୍ତ୍ତେ ମୁକ୍ତାପ ଧେନି, ଚକ୍ରଚଳିତ କର୍ତ୍ତେ ନିକ୍ତ ମାନ !

ଆସାର ଆହୁର ଧର ଅପମୋକ୍ଷେ ତବ କର୍ତ୍ତେ ମୁକ୍ତ

କର୍ତ୍ତେ ଆଲୋଚିତେ ମାନ ବିଷୟକେ ^{ବିଷୟକେ} ମୁକ୍ତ

ବିଷୟକେ ମୁକ୍ତାପ ନୂତନ-ସୁନ୍ଦରାଲିକର୍ତ୍ତେ, -
ଅମ୍ଭ ~~କର୍ତ୍ତ~~ ଅର୍ଥକେ ହୁଅ, ମାନ ଧର ମାନ ମାନକର୍ତ୍ତେ ॥



উদ্বোধন

মন্দিরার মন্দ্র তব বক্ষে আজি বাজে, নটরাজ,
নৃত্যমদে মত্ত করে, ভাঙে চিন্তা, ভাঙে শঙ্কা লাজ,
তুচ্ছ করে সম্মানের অভিমান, চিত্ত টেনে আনে
বিশ্বের প্রাক্গতলে তব নৃত্যচ্ছন্দের সন্ধানে ।

মুক্তির প্রয়াসী আমি, শাস্ত্রের জটিল তর্কজালে
যৌবন হয়েছে বন্দী বাক্যের দুর্গের অন্তরালে ;
স্বচ্ছ আলোকের পথ রুদ্ধ করি ক্ষুদ্র শুষ্ক ধূলি
আবর্তিয়া উঠে প্রাণে অন্ধতার জয়ধ্বজা তুলি'
চতুর্দিকে । নটরাজ, তুমি আজ করগো উদ্ধার
দুঃসাহসী যৌবনেরে, পদে পদে পড়ুক তোমার
চঞ্চল চরণ ভঙ্গী, রঙ্গেশ্বর, সকল বন্ধনে
উত্তাল নৃত্যের বেগে,—যে-নৃত্যের অশাস্ত স্পন্দনে
ধূলিবন্দিশালা হতে মুক্তি পায় নব-শম্পদল ;
পুলকে কম্পিত হয় প্রাণের দুর্গস্ত কোতূহল,





আপনারে সঙ্কানিতে ছুটে যায় দূর কাল পানে,
দুর্গম দেশের পথে, জন্ম মরণের তালে তানে,
সৃষ্টির রহস্যদ্বারে নৃত্যের আঘাত নিত্য হানে ;
যে-নৃত্যের আন্দোলনে মরুর পঙ্করে কম্প আনে,
ক্ষুব্ধ হয় শুষ্কতার সজ্জাহীন লজ্জাহীন শাদা,
উচ্ছিন্ন করিতে চায় জড়ত্বের রুদ্ধ-বাক্ বাধা,
বক্ষ্যতার অন্ধ দুঃশাসন ; শ্যামলের সাধনাতে
দীক্ষা ভিক্ষা করে মরু তব পায়ে; যে-নৃত্য আঘাতে
বহিবাঙ্গ সরোবরে উন্মি জাগে প্রচণ্ড চঞ্চল,
অতল আবর্তবক্ষে গ্রহ-নক্ষত্রের শতদল
প্রক্ষুটিয়া ক্ষুরে নিত্যকাল ; ধূমকেতু অকস্মাৎ
উড়ায় উত্তরী হাশ্যবেগে, করে ক্ষিপ্ত পদ-পাত
তোমার ডম্বরুতালে, পূজা-নৃত্য করি দেয় সারা
সূর্যের মন্দির-সিংহদ্বারে, চলে যায় লক্ষ্যহারা
গৃহশূন্য পান্থ উদাসীন ।

নটরাজ, আমি তব


কবি-শিষ্য, নাটের অঙ্গনে তব মুক্তি-মন্ত্র ল'ব ।
তোমার তাণ্ডব-তালে কর্ণের বন্ধন-গ্রন্থিগুলি
ছন্দবেগে স্পন্দমান পাকে পাকে সত্ত্ব যাবে খুলি ;
সর্ব অমঙ্গল-সর্প হীনদর্প অবনত ফণা
আন্দোলিবে শাস্ত-লয়ে ।





প্রভু, এই আমার বন্দনা
নৃত্যগানে অর্পিব চরণতলে, তুমি মোর গুরু,
আজিকে আনন্দে ভয়ে বক্ষ মোর করে দুৰু দুৰু ।
পূর্ণচন্দ্রে লিপি তব, হে পূর্ণ, পাঠালে নিমন্ত্রণে
বসন্তদোলের নৃত্যে, দক্ষিণ-বায়ুর আলিঙ্গনে,
মল্লিকার গন্ধোল্লাসে, কিংশুকের দীপ্ত রক্তাংশুকে,
বকুলের মত্ততায়, অশোকের দোছল কোঁতুকে,
বেণুবনবীথিকার নিরন্তর মর্মরে কম্পনে
ইঙ্গিতে ভঙ্গীতে, আত্মমঞ্জরীর সর্বত্যাগপণে,
পলাশের গরিমায় । অবসাদে যেন অন্তমনে
তাল ভঙ্গ নাহি করি, তব নামে আমার আস্থান
জড়ের স্তব্ধতা ভেদি' উৎসারিত ক'রে দিক্ গান !
আমার আস্থান যেন অভ্রভেদী তব জটা হ'তে
উত্তারি' আনিতে পারে নির্ঝরিত রস-সুধা স্রোতে
ধরিত্রীর তপ্ত বক্ষে নৃত্যচ্ছন্দ-মন্দাকিনী ধারা,
ভস্ম যেন অগ্নি হয়, প্রাণ যেন পায় প্রাণ-হারা ॥





নৃত্য

গান

নৃত্যের তালে তালে, নটরাজ,
যুচাও সকল বন্ধ হে।

স্বপ্নি ভাঙাও, চিত্তে জাগাও
মুক্ত স্বরের ছন্দ হে ॥



তোমার চরণ-পবন-পরশে
সরস্বতীর মানস-সরসে
যুগে যুগে কালে কালে,
সুরে সুরে তালে তালে,
চেউ তুলে দাও মাতিয়ে জাগাও
অমল কমল গন্ধ হে ॥




নৃত্যে তোমার মুক্তির রূপ,
নৃত্যে তোমার মায়ী।
বিশ্বতনুতে অণুতে অণুতে
কাঁপে নৃত্যের ছায়া।

তোমার বিশ্ব-নাচের দোলায়
বাঁধন পরায়, বাঁধন খোলায়,
যুগে যুগে কালে কালে,
সুরে সুরে তালে তালে ;
অন্ত কে তার দক্ষান পায়
ভাবিতে লাগায় ধন্দ হে ॥

নৃত্যের বশে সুন্দর হ'ল
বিদ্রোহী পরমাণু ;
পদযুগ ঘিরে জ্যোতি-মঞ্জীরে
বাজিল চক্রে ভান্ন।

তব নৃত্যের প্রাণ-বেদনায়
বিশ্ব বিশ্ব জাগে চেতনায়,



নটরাজ-
স্বরূপাঙ্গনা



যুগে যুগে কালে কালে
স্মরে স্মরে তালে তালে,
স্মখে দুখে হয় তরঙ্গময়
তোমার পরমানন্দ হে ॥



মোর সংসারে তাণ্ডব ভব,
কম্পিত জটাজালে ।
লোকে লোকে ঘুরে এসেছি তোমার
নাচের ঘূর্ণি তালে ।

ওগো সন্ন্যাসী, ওগো সুন্দর,
ওগো শঙ্কর, হে ভয়ঙ্কর,
যুগে যুগে কালে কালে,
স্মরে স্মরে তালে তালে,
জীবন মরণ নাচের ডমরু
বাজাও জলদ-মস্ত্র হে ॥





মুক্তি-তত্ত্ব

মুক্তি-তত্ত্ব শূন্যে ফিরিস্
তত্ত্ব-শিরোমণির পিছে ?
হায়রে মিছে, হায়রে মিছে !

মুক্ত যিনি দেখনা তাঁরে,
আয় চ'লে তাঁর আপন দ্বারে,
তাঁর বাণী কি শুকনো পাতায়
হল্‌দে রঙে লেখেন তিনি ?

মরা ডালের ঝরা ফুলের
সাধন কি তাঁর মুক্তি-কুলের ?
মুক্তি কি পণ্ডিতের হাতে
উক্তি-রাশির বিকি-কিনি ?

এই নেমেছে তাঁদের হাসি
এই খানে আয় মিল্‌বি আসি,
বীণার তারে তারণ-মন্ত্র
শিখে নে তোর কবির কাছে ।



নটরাজ- সুন্দরীমালা

আমি নটরাজের চেলা,
চিত্তাকাশে দেখ্‌চি খেলা,
বাঁধন-খোলার শিখ্‌চি সাধন
মহাকালের বিপুল নাচে ।

দেখ্‌চি, ও যা'র অসীম বিস্ত
সুন্দর তার ত্যাগের নৃত্য,
আপ্নাকে তার হারিয়ে প্রকাশ
আপ্নাতে যার আপ্নি আছে ।

যে-নটরাজ নাচের খেলায়
ভিতরকে তার বাইরে ফেলায়
কবির বাণী অবাক্‌ মানি
তা'রি নাচের প্রসাদ যাচে ।


শুন্‌বিরে আয়, কবির কাছে
তরুর মুক্তি ফুলের নাচে,
নদীর মুক্তি আত্মহারা
নৃত্যধারার তালে তালে ।

রবির মুক্তি দেখ্‌ না চেয়ে
আলোক-জাগার নাচন গেয়ে,
তারার নৃত্যে শূন্য গগন
মুক্তি যে পায় কালে কালে ।

নটরাজ- স্মরণমালা

প্রাণের মুক্তি মৃত্যুরথে
নূতন প্রাণের যাত্রা-পথে,
জ্ঞানের মুক্তি সত্য সূতার
নিত্য-বোনা চিন্তাজালে ।

আয় তবে আয় কবির, সাথে
মুক্তি-দোলের শুরুতে,
জ্বল আলো, বাজ ল মৃদঙ
নটরাজের নাট্যশালে ॥



ঋতু-নৃত্য
তৈশশাখ

ধান-নিমগ্ন নীরব নগ্ন
নিশ্চল তব চিত্ত ;
নিঃস্ব গগনে বিশ্ব ভুবনে
নিঃশেষ সব বিস্ত ।

রসহীন তরু, নিজ্জীব মরু,
পবনে গর্জে রুদ্র ডমরু,
ঐ চারিধার করে হাহাকার
ধরা-ভাণ্ডার রিক্ত ॥

তব তপ-তাপে হের' সবে কাঁপে,
দেব-লোক হ'ল ক্লাস্ত ।
ইন্দ্রের মেঘ, নাহি তার বেগ,
বরুণ করুণ শাস্ত ।

হৃদ্দিনে আনে নির্দয় বায়ু,
সংহার করে কাননের আয়ু,
ভয় হয় দেখি নিখিল হবে কি
জড়দানবের ভৃত্য ॥

জাগো ফুলে ফলে নব তৃণদলে
তাপস, লোচন মেল' হে ।
জাগো মানবের আশায় ভাষায়,
নাচের চরণ ফেল' হে ।

জাগো ধনে ধানে, জাগো গানে গানে,
জাগো সংগ্রামে, জাগো সন্ধানে,
আশ্বাস-হারা উদাস পরাণে
জাগাও উদার নৃত্য ॥

ভুলেছে ছন্দ, ভালোয় মন্দ
একাকার তাই হায় রে ।
কদর্য্য তাই করিছে বড়াই,
ধরণী লজ্জা পায় রে ।

পিনাকে তোমার দাও টঙ্কার,
ভীষণে মধুরে দিক্ ঝঙ্কার,
ধূলায় মিশাক্ যা কিছু ধূলার,
জয়ী হোক্ যাহা নিত্য ॥





বৈশাখ-আবাহন

গান

এসো, এসো, এসো, হে বৈশাখ !

তাপস নিঃশ্বাস বায়ে মুম্বুরে দাও উড়ানে,
বৎসরের আবর্জনা দূর হয়ে যাক্ ।

যাক্ পুরাতন স্মৃতি যাক্ ভুলে-যাওয়া গীতি,
অশ্রুবাষ্প স্নদূরে মিলাক্ ।

মুছে যাক্ সব গ্লানি, ঘুচে যাক্ জরা,
অগ্নিস্নানে দেহে প্রাণে শুচি হোক্ ধরা ।

রসের আবেশ রাশি শুক করি দাও আসি',
আনো, আনো, আনো তব প্রলয়ের শাঁখ,
মায়ায় কুজ্বাটি-জাল যাক্ দূরে যাক্ ॥



ব্যঞ্জনা

শুনিতো কি পাস্

এই যে খসিছে রুদ্র শূন্যে শূন্যে সমুপ্ত নিঃশ্বাস
এরি মাঝে দূরে বাজে চঞ্চলের চকিত খঞ্জনী,
মাধুরীর মঞ্জীরের মৃদুমন্দ গুঞ্জরিত ধ্বনি ?
রৌদ্র-দগ্ধ তপস্কার মৌনস্তম্ভ অলক্ষ্য আড়ালে
স্বপ্নে-রচা অর্চনার থালে

অর্ঘ্য-মালা সাজ হয় সঙ্গোপনে সুন্দরের লাগি ।

মগ্ন যেথা ধ্যানের সর্বশূন্য গহনে বৈরাগী,
সেথা কে বুড়ুকু আসে ভিক্ষা-অবেষণে ;


জীর্ণ পর্ণ-শয্যাপরে একা রহে জাগি'


কঠিনের শুষ্ক প্রাণে কোমলের পদস্পর্শ মাগি' ॥



তাগিত আকাশে
হঠাৎ নীরবে চলে' আসে
একটি করুণ ক্ষীণ স্নিগ্ধ বায়ুধারা,
কে অভিসারিণী যেন পথে এসে পায় না কিনারা ।

অকস্মাৎ কোমলের কমলমালার স্পর্শ লেগে
শাস্ত্রের চিন্তের প্রাস্ত অহেতু উষেগে
ক্রকুটিয়া ওঠে কালো মেঘে ;
বিদ্যুৎ বিচ্ছুরি' উঠে দিগন্তের ভালে,
রোমাঞ্চ-কম্পন লাগে অশ্বখের ত্রস্ত ডালে ডালে ;
মুহূর্ত্তে অম্বর বন্ধে উলঙ্গিনী শ্যামা
বাজায় বৈশাখী-সঙ্ক্যা-বঙ্গার দামামা,
দিগ্বিদিকে নৃত্য করে দুর্ব্বার ক্রন্দন,
ছিন্ন ছিন্ন হয়ে যায় ওঁদাসীশ্য কঠোর বন্ধন ॥





মাধুরীর ধ্যান

গান


মধ্যদিনে যবে গান
বন্ধ করে পাখী,
হে রাখাল, বেণু তব
বাজাও একাকী ।



শান্ত প্রান্তরের কোণে
রুদ্র বসি তাই শোনে,
মধুরের ধ্যানাবেশে
স্বপ্নমঞ্জরী অঁাধি ;
হে রাখাল, বেণু যবে
বাজাও একাকী ॥



সহসা উচ্ছ্বসি উঠে
ভরিয়া আকাশ
ভ্রাতৃপুত্র বিরহের
নিরুদ্ধ নিঃশ্বাস।



অধর প্রান্তের দূরে
ডম্বরু গভীর সুরে
জাগায় বিদ্রোহ-ছন্দে
আসন্ন বৈশাখী।
হে রাখাল, বেণু তব
বাজাও একাকী ॥





প্রত্যাশা

গান

তপের তাপের বাধন কাটুক
রসের বর্ষণে,
হৃদয় আমার, শ্রামল-বঁধুর
করুণ স্পর্শ নে ॥

অঝোর-ঝরণ শ্রাবণ জলে,
তিমির-মেহুর বনাঞ্চলে
ফুটুক সোনার কদম্ব-ফুল
নিবিড় হর্ষণে ॥

ভরুক গগন, ভরুক কানন,
ভরুক নিখিল ধরা,
দেখুক ভুবন মিলন-স্বপন
মধুর বেদন-ভরা ।

পরান-ভরানো ঘন ছায়াজাল
বাহির আকাশ করুক আড়াল,
নয়ন ভুলুক, বিজুলি ঝলুক
পরম-দর্শনে ॥





আম্বাভ

ওগো সন্ন্যাসী, কী গান ঘনালো মনে !

গুরু গুরু গুরু নাচের ডমরু

বাজিলো ক্ষণে ক্ষণে ॥

তোমার ললাটে জটিল জটার ভার

নেমে নেমে আজি পড়িছে বারম্বার,

বাদল আঁধার মাতালো তোমার হিয়া,

বাঁকা বিদ্যুৎ চোখে উঠে চমকিয়া ।

চির জনমের শ্যামলী তোমার প্রিয়া

আজি এ বিরহ-দীপন-দীপিকা

পাঠালো তোমারে এ কোন্ লিপিকা,

লিখিল নিখিল-আঁধির কাজল দিয়া,

চির-জনমের শ্যামলী তোমার প্রিয়া ॥





মনে পড়িল কি ঘন কালো এলোচুলে
অগুরু ধূপের গন্ধ ?
শিথি-পুচ্ছের পাখা সাথে তুলে তুলে
কাঁকন-দোলন ছন্দ ?

মনে পড়িল কি নীল নদীজলে
ঘন শ্রাবণের ছায়া ছলছলে,
মিলি মিলি সেই জল-কলকলে
কলালাপ মুহুমন্দ ;

থকিত-পায়ের চলা দ্বিধাহত,
ভীকু নয়নের পল্লব নত,
না-বলা কথার আভাসের মত
নীলান্বরের প্রাস্ত ?



মনে পড়িছে কি কাঁখে তুলে ঝারি
তরু তলে তলে ঢেলে চলে বারি,
সেচন-শিথিল বাহু দুটি তা'রি
ব্যথায় আলসে ক্লাস্ত ?






ওগো সন্ন্যাসী, পথ যায় ভাসি'
ঝর ঝর ধারাজলে—
তমাল বনের শ্যামল তিমির তলে ।
ছালোক ভুলোকে দূরে দূরে বলাবলি
চির-বিরহের কথা,

বিরহিনী তার নত আঁখি ছলছলি'
নীপ অঞ্জলি রচে বসি গৃহকোণে,
ঢেলে ঢেলে দেয় তোমারে স্মরিয়া মনে,
ঢেলে দেয় ব্যাকুলতা ।

কভু বাতায়নে অকারণে বেলা বাহি'
আতুর নয়নে দু'হাতে আঁচল কাঁপে ।
তুমি চিন্তের অন্তরে অবগাহি'
খুঁজিয়া দেখিছ ধৈরজ নাহি নাহি,
মল্লার রাগে গর্জিয়া ওঠ গাহি,
বন্ধে তোমার অন্ধের মালা কাঁপে ।



নটরাজ-
রসূরধংগাল




যাক্ যাক্ তব মন গ'লে গ'লে যাক্,
গান ভেসে গিয়ে দূরে চ'লে চ'লে যাক্,
বেদনার ধারা দুর্দাম দিশাহারা

দুখ-দুর্দিনে দুই কূল তার ছাপে ।

কদম্ববন চঞ্চল ওঠে তুলি,
সেই মতো তব কল্পিত বাহু তুলি'
টলমল নাচে নাচো সংসার ভুলি,

আজ, সন্ন্যাসী, কাজ নাই জপে জাপে ॥





লীলা

গান

গগনে গগনে আপনার মনে
কী খেলা তব।
তুমি কত বেশে নিমেষে নিমেষে
নিতুই নব ॥

জটার গভীরে লুকালে রবিরে
ছায়াপটে আঁকো এ কোন্ ছবিরে !
মেঘমল্লারে কী বলো আমারে
কেমনে ক'ব ॥



বৈশাখী ঝড়ে সে দিনের সেই
অটুহাসি
গুরু গুরু সুরে কোন্ দূরে দূরে
ষায় যে ভাসি ।

সে সোনার আলো শ্রামলে মিশালো,
খেত উত্তরী আজ কেন কালো ?
লুকালে ছায়ার মেঘের মায়ায়
কী বৈতব ॥

শ্রাবণ-বিদায়

যায়রে শ্রাবণ-কবি রস-বর্ষা ক্রান্ত করি তা'র,
কদম্বের রেণুপুঞ্জ পদে পদে কুঞ্জবীথিকার
ছায়াঞ্চল ভরি দিলো । জানি, রেখে গেলো তার দান
বনের মর্ম্মের মাঝে ; দিয়ে গেলো অভিষেকস্নান
সুপ্রসন্ন আলোকেরে ; মহেশ্বের অদৃশ্য বেদীতে
ভরি' গেলো অর্ঘ্যপাত্র বেদনার উৎসর্গ-অমৃতে ;
সলিল-গণ্ডুষ দিতে তটিনী সাগর-তীরে চলে,
অঞ্জলি ভরিল তা'রি ; ধরার নিগূঢ় বক্ষতলে
রেখে গেলো তৃষ্ণার সম্বল ; অগ্নিতীক্ষ বজ্রবাণ
দিগন্তের তুণ ভরি একান্তে করিয়া গেলো দান
কাল-বৈশাখীর তরে ; নিজ হস্তে সর্ব্ব ম্লানতার
চিহ্ন মুছে দিয়ে গেলো । আজ শুধু রহিল তাহার
রিক্তবৃষ্টি জ্যোতিঃশুভ্র মেঘে মেঘে মুক্তির লিখন,
আপন পূর্ণতাখানি নিখিলে করিল সমর্পণ ॥





শান্তি

গান

পাগল আজি আগল খোলে
বিদায়-রজনীতে,
চরণে ওর বাঁধিবি তোর,
কী আশা তোর চিতে ?



গগনে তার মেঘ-ছয়ার ঝেঁপে,
বুকেরি ধন বুকেতে ছিল চেপে,
হিম-হাওয়ার গেলো সে দ্বার কেঁপে,
এসেছে ডাক ভোরের রাগিণীতে ॥

শীতল হোক্ বিমল হোক্ প্রাণ,
হৃদয়ে শোক রাখুক্ তার দান ।

যা ছিল' ঘিরে শূন্যে সে মিলালো,
সে ফাঁক দিয়ে আসুক্ তবে আলো,
বিজনে বসি' পূজাঞ্জলি ঢালো
শিশিরে-ভরা শিউলি-ঝরা গীতে ॥





শেষ মিনতি

গান

কেন পাছ এ চঞ্চলতা ?
শূন্য গগনে পাও কার বারতা ?
নয়ন অতন্দ্র প্রতীকারত,
কেন উদ্ভাস্ত অশান্ত-মতো,
কুস্তলপুঞ্জ অযত্নে-নত,
ক্লান্ত তড়িৎ বধু তন্দ্রাগতা ।



ধৈর্য্য ধরো, সখা, ধৈর্য্য ধরো,
হৃৎখে মাধুরী হোক মধুরতর ;
হেরো গন্ধ-নিবেদন-বেদন সুন্দর
মল্লিকা চরণতলে প্রণতা ॥

নটরাজ- সুন্দরপংখালা



শরৎ

ধ্বনিল গগনে আকাশ-বাণীর বীণ,
শিশির-বাতাসে দূর দূরে ডাক দিলো কে ?
আয় সুলগনে, আজ পথিকের দিন,
এঁকে নে ললাট জয়-যাত্রার তিলকে ।

গেলো খুলি গেলো মেঘের ছায়ার দ্বার,
দিকে দিকে ঘোচে কালো আবরণ-ভার,
তরুণ আলোক মুকুট পরেছে তা'র,
বিজয়-শঙ্খ বেজে ওঠে তাই ত্রিলোকে ॥

শরৎ এনেছে অপরূপ রূপ-কথা
নিত্যকালের বালক-বীরের মানসে ।
নবীন রক্তে জাগায় চঞ্চলতা,
বলে, “চলো চলো অশ্ব তোমার আনো’ সে ।

ধেয়ে যেতে হবে দুস্তর প্রাস্তরে,
বন্দিনী কোন্ রাজকন্য়ার তরে,
মায়াজাল ভেদি’ চলো সে রুদ্ধ ঘরে,
লও কার্ম্মুক, দানবের বুক হানো’ সে ॥”



ওরে শারদার জয়মন্তের গুণে
বীর-গৌরবে পার হতে হবে সাগরে ।
ইন্দ্রের শর ভরি নিতে হবে তুণে
রাক্ষসপুরী জিনে নিতে হবে, জাগো রে ।




“দেবী শারদার যে প্রসাদ শিরে লয়ি’
দেব-সেনাপতি কুমার দৈত্য-জয়ী,
সে প্রসাদ খানি দাওগো অমৃতময়ী”
এই মহা-বর চরণে তাঁহার মাগো রে ॥

আজি আশ্বিনে স্বচ্ছ বিমল প্রাতে
শুভ্রের পায়ে অন্নান মনে নম’ রে ।
স্বর্গের রাখী বাঁধো দক্ষিণ হাতে
আঁধারের সাথে আলোকের মহাসমরে ।

মেঘ-বিমুক্ত শরতের নীলাকাশ
ভুবনে ভুবনে ঘোষিল এ আশ্বাস
“হবে বিলুপ্ত মলিনের নাগপাশ,
জয়ী হ’বে রবি, মরিবে মরিবে তম রে” ॥






শরতের ধ্যান

গান

আলোর অমল কমলখানি
কে ফুটালে,
নীল আকাশের ঘুম ছুটালে ॥



আমার মনের ভাবনা গুলি
বাহির হোলো পাখা তুলি,
ঐ কমলের পথে তাদের
সেই জুটালে ॥

শরৎবাণীর বীণা বাজে
কমলদলে ।
ললিত রাগের সুর ঝরে তাই
শিউলি সলে ।

তাইতো বাতাস বেড়ায় মেতে
কচি ধানের সবুজ ক্ষেতে,
বনের প্রাণে মরমরানির
চেউ উঠালে ॥



শরতের বিদায়

গান

শিউলি ফুল, শিউলি ফুল,
কেমন ভুল, এমন ভুল ?

রাতের বায় কোন্ মায়ায়
আনিল হায় বন-ছায়ায়,
ভোর বেলায় বায়ে বায়েই
ফিরিবারেই হ'লি ব্যাকুল ॥



কেনরে তুই উন্ননা,
নয়নে তোর হিমকণা ?



কোন্ ভাষায় চাস্ বিদায়,
গন্ধ তোর কী জানায়,
সঙ্গে হায় পলে পলেই
দলে দলেই যায় বকুল ॥





হেমন্ত

১

হে হেমন্ত-লক্ষ্মী, তব চক্ষু কেন রক্ষা চূলে ঢাকা,
ললাটের চন্দ্রলেখা অযত্নে এমন কেন ঘান ?
হাতে তব সন্ধ্যাদীপ কেন গো আড়াল ক'রে আনো
কুয়াশায় ? কণ্ঠে বাণী কেন হেন অশ্রুবাষ্প মাখা
গোধূলিতে আলোতে আঁধারে ? দূর হিমশৃঙ্গ ছাড়ি'
ওই হের রাজহংসশ্রেণী, আকাশে দিয়েছে পাড়ি
উজায়ে উত্তর বায়ুশ্রোত, শীতে ক্লিষ্ট ক্লান্ত পাখা
মাগিছে আতিথ্য তব জাহ্নবীর জনশূণ্য তটে
প্রচ্ছন্ন কাশের বনে । প্রান্তর-সীমায় ছায়াবটে
মৌনব্রত বউ-কথা-কণ্ড । গ্রাম-পথ আঁকা বাঁকা,
বেণুতলে পান্থহীন অবলীন অকারণ ত্রাসে,
কচিৎ চকিত-ধূলি অকস্মাৎ পবন-উচ্ছ্বাসে ।

কেন বলো, হৈমন্তিকা, নিজেরে কুণ্ঠিত ক'রে রাখা,
মুখের গুণ্ঠন কেন হিমের ধুমলবর্ণে আঁকা ॥




ভরেছ, হেমন্ত-লক্ষ্মী, ধরার অঞ্জলি পক্কধানে ।
দিগঙ্গনে দিগঙ্গনা এসেছিল ভিন্কার সন্ধানে
শীতরিন্দু অরণ্যের শূণ্যপথে । বলেছিল ডাকি,
“কোথায় গো, অন্নপূর্ণা, ক্ষুধার্ভেরে অন্ন দিবে না কি ?
শাস্তু করো প্রাণের ক্রন্দন, চাও প্রসন্ন নয়ানে
ধরার ভাণ্ডার পানে ।” শুনিয়া, লুকায়ে হাস্যখানি,
লুকায়ে দক্ষিণ হস্ত দক্ষিণা দিয়েছ তুমি আনি,
ভূমিগর্ভে আপনার দাক্ষিণ্য ঢাকিলে সাবধানে ।

স্বর্গলোক গ্লান করি' প্রকাশিলে ধরার বৈভব
কোন্ মায়ামন্ত্রগুণে, দরিদ্রের বাড়ালে গোরব ।

অমরার স্বর্গ নামে ধরণীর সোনার অস্ত্রাণে ।
তোমার অমৃত নৃত্য, তোমার অমৃতস্নিগ্ধ হাসি
কখন ধূলির ঘরে সঞ্চিত করিলে রাশি রাশি,
আপনার দৈন্ত্যচ্ছলে পূর্ণ হ'লে আপনার দানে ॥



নটরাজ- সুন্দরশংখালা




দীপালি

গান

হিমের রাতে ঐ গগনের
দীপগুলিরে
হেমন্তিকা করল গোপন
অঁচল ঘিরে।

ঘরে ঘরে ডাক পাঠালো—
“দীপালিকায় জ্বালাও আলো,
জ্বালাও আলো, আপন আলো,
সাজাও আলোর ‘ধরিত্রীরে’ ॥




নটরাজ- স্মরণশাল্য

শুভ এখন ফুলের বাগান,
দোরেল কোকিল গাহে নাগান,
কাশ বয়ে যায় নদীর তীরে ।

বাক্ অবসাদ বিষাদ কালো,
দীপালিকায় জালাও আলো,
জালাও আলো, আপন আলো,
শুনাও আলোর জয়-বাণীরে ॥

দেবতারাজ আজ আছে চেয়ে
জাগো ধরার ছেলে মেয়ে,
আলোর জাগাও বামিনীরে ।

এলো অঁধার, দিন ফুরালো,
দীপালিকায় জালাও আলো,
জালাও আলো, আপন আলো,
জয় করো এই তামসীরে ॥



নটরাজ-
সুসুখালা



আসন্ন শীত

শীতের বনে কোন্ সে কঠিন
আসবে ব'লে
শিউলিগুলি ভয়ে মলিন
বনের কোলে ॥

আম্বলকি ডাল সাজলো কাঙাল,
খসিয়ে দিলো পল্লব জাল,
কাশের হাসি হাওয়ায় ভাসি,
ষায় যে চ'লে ॥

সইবে না সে পাতায় ঘাসে
চঞ্চলতা,
তাই তো আপন রঙ ঘুচালো
ঝুঁকো লতা ।

উত্তর বার জানায় শাসন,
পাতলো তপের গুহ আসন,
সাজ খসাবার এই গীলা কা'র
অটরোলে ॥






শীত

ওগো শীত, ওগো শুভ্র, হে তীব্র নির্মম,
তোমার উত্তর বায়ু ছরস্ত দুর্দম
অরণ্যের বক্ষ হানে। বনস্পতি ষত
থর থর কম্পমান, শীর্ষ করি' নত
আদেশ-নির্ঘোষ তব মানে। “জীর্ণতার
মোহবন্ধ ছিন্ন করো” এ বাক্য তোমার
ফিরিছে প্রচার করি জয়ডঙ্কা তব
দিকে দিকে। কুঞ্জে কুঞ্জে মৃত্যুর বিপ্লব
করিছে বিকীর্ণ শীর্ণ পর্ণ রাশি রাশি
শূন্য নগ্ন করি' শাখা, নিঃশেষে বিনাশি'
অকাল-পুষ্পের দুঃসাহস।

হে নির্মল,

সংশয়-উদ্বিগ্ন-চিত্তে পূর্ণ করো বল ;
মৃত্যু-অঞ্জলিতে ভরো অমৃতের ধারা,
ভীষণের স্পর্শঘাতে করো শঙ্কাহারা,



নটরাজ- কুসুমমালা

শূন্য করি দাও মন ; সর্বস্বাস্তু ক্ষতি
অস্তুরে ধরুক শাস্তু উদাস্তু মুরতি,
হে বৈরাগী । অতীতের আবর্জনা ভার,
সঞ্চিত লাঞ্ছনা গ্লানি শ্রান্তি ভ্রান্তি তার
সম্মার্জন করি' দাও । বসন্তের কবি
শূন্যতার শুভ্র পত্রে পূর্ণতার ছবি
লেখে আসি, সে শূন্য তোমারি আয়োজন,
সেই মতো মোর চিত্তে পূর্ণের আসন
মুক্ত করো রুদ্র-হস্তে ; কুজ্বাটিকা রাশি
রাখুক, পুঞ্জিত করি' প্রসন্নের হাসি ।
বাজুক তোমার শঙ্খ মোর বক্ষতলে
নিঃশঙ্ক দুর্জয় । কঠোর উদগ্রবলে
দুর্বলে করে তিরস্কার ; অটুহাসে
নিষ্ঠুর ভাগ্যেরে পরিহাসো ; হিমশ্বাসে
আরাম করুক ধূলিসাৎ ! হে নিশ্চয়ম,
গর্ববহরা, সর্ববনাশা, নমো নমো নমঃ ॥





শীতের বিদায়

তুঙ্গ তোমার ধবল-শৃঙ্গ-শিরে
উদাসীন শীত, যেতে চাও বুঝি ফিরে ?

চিন্তা কি নাই সঁপিতে রাজ্যভার
নবীনের হাতে, চপল চিন্তা যা'র ?
হেলায় যে-জন ফেলায় সকল তা'র
অমিত দানের বেগে ?

দণ্ড তোমার তা'র হাতে বেণু হ'বে,
প্রতাপের দাপ মিলাবে গানের রবে,
শাসন ভুলিয়া মিলনের উৎসবে
জাগাবে, রহিবে জেগে ॥

সে যে মুছে দিবে তোমার আঘাত চিহ্ন,
কঠোর বাঁধন করিবে ছিন্ন ছিন্ন ।

এতদিন তুমি বনের মজ্জামাঝে
বন্দী রেখেছ যৌবনে কোন্ কাজে,
ছাড়া পেয়ে আজ কত অপরূপ সাজে
বাহিরিবে ফুলে দলে ।



তব আসনের সম্মুখে যার বাণী
আবদ্ধ ছিল বহু কাল ভয় মানি'
কণ্ঠ তাহার বাতাসেরে দিবে হানি'
বিচিত্র কোলাহলে ॥

তোমার নিয়মে বিবর্ণ ছিল সজ্জা,
নগ্ন তরুর শাখা পেত তাই লজ্জা ।

তাহার আদেশে আজি নিখিলের বেশে
নীল পীত রাত্না নানা রঙ ফিরে এসে,
আকাশের আঁখি ডুবাইবে রসাবেশে
জাগাইবে মত্ততা ।

সম্পদ তুমি যা'র যত নিলে হরি'
তার বহু গুণ ও যে দিতে চায় ভরি,'






পল্লবে যা'র ক্ষতি ঘটেছিল ঝরি,
ফুল পাবে সেই লতা ॥

ক্ষয়ের দুঃখে দীক্ষা যাহারে দিলে,
সব দিকে যা'র বাহুল্য ঘুটাইলে,
প্রাচুর্যে তা'রি হ'ল আজি অধিকার,
দক্ষিণ বায়ু এই বলে বার বার,
বাঁধন-সিদ্ধ যে-জন তাহারি দ্বার
খুলিবে সকলখানে ।

কঠিন করিয়া রচিলে পাত্রখানি
রস-ভারে তাই হবে না তাহার হানি,
লুঠি লও ধন, মনে মনে এই জানি'
দৈন্য পূরিবে দানে ॥





স্তব

হে সন্ন্যাসী,

হিমগিরি ফেলে নীচে নেমে এলে

কিসের জন্ম ?

কুন্দমালতী করিছে মিনতি

হও প্রসন্ন ।


যাহা কিছু ম্লান বিরস জীর্ণ

দিকে দিকে দিলে করি বিকীর্ণ,

বিচ্ছেদ ভারে বনচ্ছায়ারে

করে বিষন্ন

হও প্রসন্ন ॥



সাজাবে কি ডালা, গাঁথিবে কি মালা

মরণ-সত্রে ?

তাই উত্তরী নিলে ভরি ভরি

শুকানো পত্রে ?


ধরণী যে তব তাণ্ডবে সাথী

প্রলয় বেদনা নিল বুকে পাতি,

রুদ্র এবারে বরবেশে তারে

করো গো ধন্য

হও প্রসন্ন ॥





বসন্ত

হে বসন্ত, হে সুন্দর, ধরণীর ধ্যান-ভরা ধন !

বৎসরের শেষে

শুধু একবার মর্ত্যে মূর্তি ধরো ভুবন-মোহন

নব বরবেশে ।

তারি লাগি' তপস্বিনী কী তপস্যা করে অনুক্ষণ,

আপনারে তপ্ত করে, ধোত করে, ছাড়ে আভরণ,

ত্যাগের সর্বস্ব দিয়ে ফল-অর্ঘ্য করে আহরণ

তোমার উদ্দেশে ॥

সূর্য প্রদক্ষিণ করি' ফিরে সে পূজার নৃত্য-তালে

ভক্ত উপাসিকা ।

নম্র ভালে আঁকে তা'র প্রতিদিন উদয়াস্তকালে

রক্তরশ্মি-টীকা ।

সমুদ্র-তরঙ্গে সদা মন্দ্রস্বরে মন্ত্র পাঠ করে,

উচ্চারে নামের শ্লোক অরণোর উচ্ছ্বাসে মন্দ্ররে,

বিচ্ছেদের মরুশূণ্যে স্বপ্নচ্ছবি দিকে দিগন্তরে

রচে মরীচিকা ॥

আবস্তিয়া ঋতুমাল্য করে জপ, করে আরাধন
দিন গুণে' গুণে' ।
সার্থক হ'লো যে তা'র বিরহের বিচিত্র সাধন
মধুর ফাজ্জনে ।
হেরিনু উত্তরী তব, হে তরুণ, অরুণ আকাশে,
শুনিমু চরণধ্বনি দক্ষিণের বাতাসে বাতাসে,
মিলন-মাজল্য-হোম প্রজ্জ্বলিত পলাশে পলাশে,
রক্তিম আগুনে ॥

তাই আজি ধরিত্রীর যত কৰ্ম্ম, যত প্রয়োজন
হ'লো অবসান ।
বৃক্ষ শাখা রিক্তভার, ফলে তা'র নিরাসক্ত মন,
ক্ষেতে নাই ধান ।
বকুলে বকুলে শুধু মধুকর উঠিছে গুঞ্জরি'
অকারণ আন্দোলনে চঞ্চলিছে অশোক মঞ্জরী,
কিশলয়ে কিশলয়ে নৃত্য উঠে দিবস শৰ্ব্বরী,
বনে আগে গান ॥

হে বসন্ত, হে সুন্দর, হায় হায়; তোমার করুণা
ক্ষণকাল তরে ।
মিলাইবে এ উৎসব, এই হাসি, এই দেখাশুনা
শূন্য নীলাম্বরে ।



নটরাজ
রূপরংগালী




নিকুঞ্জের বর্ণচ্ছটা একদিন বিচ্ছেদ-বেলায়
ভেসে যাবে বৎসরান্তে রক্ত-সন্ধ্যা-স্বপ্নের ভেলায়,
বনের মঞ্জীর-ধ্বনি অবসন্ন হবে নিরালায়
শ্রাস্তি-ক্রাস্তি-ভরে ॥

তোমারে করিবে-বন্দী নিত্যকাল মৃত্তিকা-শৃঙ্খলে
শক্তি আছে কার ?
ইচ্ছায় বন্ধন লও, সে বন্ধন ইন্দ্রজাল-বলে
করো অলঙ্কার ।

সে বন্ধন দোলরঞ্জু, স্বর্গে মর্ত্যে দোলে ছন্দভরে,
সে বন্ধন শ্বেতপদ্ম, বাণীর মানস-সরোবরে,
সে বন্ধন বীণাতন্ত্র, সুরে সুরে সঙ্গীত-নির্ঝরে
বর্ষিছে ঝঙ্কার ॥

নন্দনে আনন্দ তুমি, এই মর্ত্যে, হে মর্ত্যের প্রিয়,
নিত্য নাই হ'লে !
স্বদূর মাধুর্য্যপানে তব স্পর্শ, অনির্বচনীয়,
দ্বার যদি খোলে,
ক্ষণে ক্ষণে সেথা আসি নিস্তরু দাঁড়াবে বসুন্ধরা,
লাগিবে মন্দার-রেণু শিরে তার উর্দ্ধ হ'তে ঝরা,
মাটির বিচ্ছেদপাত্রে স্বর্গের উচ্ছ্বাস-রসে ভরা
রবে তার কোলে ॥





বসন্ত-আবাহন

গান

তোমার আসন পাত্ৰ কোথায়,
হে অতিথি ?
ছেয়ে গেছে শুকনো পাতায়
কানন বীথি ।

ছিল ফুটে মালতী ফুল, কুম্ভ কলি,
উত্তর বায় লুঠ ক'রে তায় গেল চলি,
হিমে বিবশ বনস্থলী
বিরল-গীতি,
হে অতিথি ॥

সুর-ভোলা ঐ ধরার বাশী
লুটায় ভূঁয়ে,
মর্মে তাহার তোমার হাসি
দাও না ছুঁয়ে ।

মাত্বে আকাশ নবীন রঙের তানে তানে,
পলাশ বকুল ব্যাকুল হবে আত্মদানে,
জাগবে বনের মুগ্ধ মনে
মধুর স্মৃতি,
হে অতিথি ॥




বসন্তের বিদায়

মুখখানি করো মলিন বিধুর
যাবার বেলা,
জানি আমি জানি সে তব মধুর
ছলের খেলা ।

জানিগো, বন্ধু, ফিরে আসিবার পথে
গোপন চিহ্ন এঁকে যাবে তব রথে,
জানি তুমি তারে ভুলিবে না কোনমতে,
যার সাথে তব হ'ল একদিন
মিলন-মেলা ॥

জানি আমি যবে আঁখিজল ভরে,
রসের স্নানে
মিলনের বীজ অঙ্কুর ধরে
নবীন প্রাণে ।

খনে খনে এই চির-বিরহের ভাণ,
খনে খনে এই ভয়-রোমাঞ্চ দান,
তোমার প্রণয়ে সত্যসোহাগে
মিথ্যা হেলা ॥



প্রার্থনা

গান

জানি তুমি ফিরে আসিবে আবার জানি,
তবু মনে মনে প্রবোধ নাহি যে মানি ।

বিদায়-লগনে ধরিয়া ছুয়ার
তবু যে তোমায় বলি বারবার
“ফিরে এসো, এসো বন্ধু আমার”
বাম্প-বিভল বাণী ॥

যাবার বেলায় কিছু মোরে দিয়ো দিয়ো
গানের সুরেতে তব আশ্বাস, প্রিয় ।

বনপথে যবে যাবে, সে ক্ষণের
হয় তো বা কিছু র'বে স্মরণের,
তুলি ল'ব সেই তব চরণের
দলিত কুসুমখানি ॥





অহৈতুক

গান

মনে র'বে কি না র'বে আমারে
সে আমার মনে নাই গো ।
কণে কণে আসি তব দুয়ারে
অকারণে গান গাই গো ।

চ'লে যায় দিন, যতখন আছি
পথে যেতে যদি আসি কাছাকাছি
তোমার মুখের চকিত স্মখের
হাসি দেখিতে যে চাই গো,
তাই অকারণে গান গাই গো ॥

ফাগুনের ফুল যায় ঝরিয়া
ফাগুনের অবসানে ।
কণিকের মুঠি দেয় ভরিয়া
আর কিছু নাহি জানে ।

ফুরাইবে দিন, আলো হ'বে কীণ,
গান সারা হ'বে, থেমে যাবে বীণ,
যতখন থাকি ভ'রে দিবে না কি
এ খেলারি ভেলাটাই গো ;
তাই অকারণে গান গাই গো ॥



বিলাপ

গান



চরণ-রেখা তব
যে পথে দিলে লেখি
চিহ্ন আজি তারি
আপনি ঘুচালে কি ?
অশোক রেণুগুলি
রাঙালো ঝর ধূলি
তারে যে তৃণতলে
আজিকে লীন দেখি ?
ফুরায় ফুল ফোটা,
পাখীও গান ভোলে
দধিন বায়ু সেও
উদাসী ঝর চলে ।
তবু কি ভরি তারে
অমৃত ছিলনারে ?
স্মরণ তারো কি গো
মরণে যাবে ঠেকি ?





মনের মানুষ *

কত না দিনের দেখা
কত না রূপের মাঝে,
সে কার বিহনে একা
মন লাগে নাই কাজে ।

কার নয়নের চাওয়া,
পালে দিয়েছিল হাওয়া,
কার অধরের হাসি
আমার বীণায় বাজে ॥

কত ফাগুনের দিনে,
চলেছিল পথ চিনে,
কত শ্রাবণের রাতে
লাগে স্বপনের ছোঁওয়া ।

* এই ছন্দ চৌপদী নহে । যতি-বিভাগ—

কত না দিনের । দেখা
কত না রূপের । মাঝে ।
সে কার বিহনে । একা
মন লাগে নাই । কাজে ।



নটরাজ- স্বরূপগান



চাওয়া-পাওয়া নিয়ে খেলা,
কেটেছিল কত বেলা,
কখনো বা পাই পাশে
কখনো বা যায় খোওয়া ॥

শরতে এসেছে ভোরে
ফুল-সাজি হাতে ক'রে,
শীতে গোধূলির বেলা
জ্বালায়েছে দীপ-শিখা,

কখনো করুণ সুরে
গান গেয়ে গেছে দূরে,
যেন কাননের পথে
রাগিণীর মরীচিকা ॥

সেই সব হাসি কাঁদা,
বাঁধন খোলা ও বাঁধা,
অনেক দিনের মধু,
অনেক দিনের মায়া,

আজ এক হয়ে তা'রা,
মোরে করে মাতোয়ারা,
এক বীণা-রূপ ধরি'
এক গানে ফেলে ছায়া ॥





নানা ঠাই ছিল নানা,
আজ তা'রে হ'ল জানা,
বাহিরে সে দেখা দিত
মনের মানুষ মম ;
আজ নাই আধাআধি,
ভিতর বাহির বাঁধি'
এক দোলেতেই দোলে
মোর অস্তুরতম ॥



চঞ্চল

ওরে প্রজাপতি, মায়া দিয়ে কে যে
পরশ করিল তোরে !
অস্ত-রবির তুলিখানি চুরি ক'রে ।





বাতাসের বুকে যে-চঞ্চলের বাসা
বনে বনে তুই বহিস্ তাহারি ভাষা,
অপ্সরীদের দোল-খেলা ফুল-রেণু
পাঠায় কে তোর দুখানি পাখায় ভ'রে ॥

যে গুণী তাহার কীর্তি-নাশার নেশায়
চিকন রেখার লিখন শূন্যে মেশায়,
স্বর বাঁধে আর স্বর যে হারায় ডুলে',
গান গেয়ে চলে ভোলা রাগিণীর কূলে,
তার হারা স্বর নাচের হাওয়ার বেগে
ডানাতে তোমার কখন পড়েছে ঝ'রে ॥





দোলা

আলোক-রসে মাতাল রাতে
বাজিল কা'র বেণু।
দোলের হাওয়া সহসা মাতে
ছড়ায় ফুল-বেণু।
অমল-রুচি মেঘের দলে
আনিল ডাকি গগনতলে,
উদাস হয়ে ওরা যে চলে
শূন্যে চরা ধেনু ॥

দোলের নাচে সে বুঝি আছে
অমরাবতী পুরে ?
বাজায় বেণু বুকের কাছে
বাজায় বেণু দূরে।

সরম ভয় সকলি ত্যেজে
মাধবী তাই আসিল সেজে,
শুধায় শুধু "বাজায় কে যে
মধুর মধু সুরে!"

গগনে শুনি এ কী এ কথা,
কাননে কী যে দেখি !



নটরাজ-
সুসুখাংগানা



একি মিলন-চঞ্চলতা ?
বিরহ-ব্যথা একি ?
আঁচল কাঁপে ধরার বুকে,
কী জানি তাহা স্থখে না দুখে !
ধরিতে যা'রে না পারে তা'রে
স্বপনে দেখিছে কি ?
লাগিল দোল জলে স্থলে,
জাগিল দোল বনে,
সোহাগিনীর হৃদয়তলে
বিরহিনীর মনে ।

মধুর মোরে বিধুর করে
সুদূর তার বেগুর স্বরে,
নিখিল হিয়া কিসের তরে
দুলিছে অকারণে ॥

আনো গো আনো ভরিয়া ডালি
করবীমালা ল'য়ে,
আনো গো আনো সাজায়ে থালি
কোমল কিশলয়ে ।

এসো গো পীত বসনে সাজি',
কোলেতে বীণা উঠুক বাজি',
ধ্যানেতে আর গানেতে আজি
যামিনী যাক্ ব'য়ে ॥



নটরাজ- স্বরূপালা

এসো গো এসো দোল-বিলাসী
বাণীতে মোর দোলো ।
ছন্দে মোর চকিতে আসি
মাতিয়ে তারে তোলো ।
অনেক দিন বুকের কাছে
রসের স্রোত থমকি আছে,
নাচিবে আজি তোমার নাচে
সময় তারি হোলো ॥
কিশোর, আজি তোমার দ্বারে
পরান মম জাগে ।
নবীন কবে করিবে তারে
রঙীন তব রাগে ?
ভাবনাগুলি বাঁধন খোলা
রচিয়া দিবে তোমার দোলা,
দাঁড়িয়ে আসি, হে-ভাবে-ভোলা,
আমার আঁখি-আগে ॥



শেষের রং

গান

রাঙিয়ে দিয়ে যাওগো এবার

যাবার আগে,

আপন রাগে,

গোপন রাগে,

তরুণ হাসির অরুণ রাগে,

অশ্রুজলের করুণ রাগে ॥

রং যেন মোর মর্মে লাগে

আমার সকল কর্মে লাগে,

সন্ধ্যাদীপের আগায় লাগে,

গভীর রাতের জাগায় লাগে ॥

যাবার আগে যাওগো আমায়

জাগিয়ে দিয়ে,

রক্তে তোমার চরণ-দোলা

লাগিয়ে দিয়ে ।

অঁধার নিগার বক্ষে যেমন তারা জাগে,

পাষণ গুহার কক্ষে নিঝর ধারা জাগে,

মেঘের বুকে যেমন মেঘের মন্ত্র জাগে,

বিশ্ব-নাচের কেন্দ্রে যেমন ছন্দ জাগে,

তেমনি আমায় দোল দিয়ে যাও

যাবার পথে আগিয়ে দিয়ে,

কাঁদন-বাঁধন ভাগিয়ে দিয়ে ॥





শেষ মধু


বসন্তবায় সন্ন্যাসী যায়
চৈৎ-ফসলের শূন্য ক্ষেতে,
মৌমাছিদের ডাকিয়ে জাগায়
বিদায় নিয়ে যেতে যেতে :—
আয়রে, ওরে মৌমাছি, আয়,
চৈত্র যে যায় পত্র ঝরা,
গাছের তলায় আঁচল বিছায়
ক্রান্তি-অলস বসুন্ধরা ॥

সজ্জনে ঝুলায় ফুলের বেণী,
আমের মুকুল সব ঝরেনি,
কুঞ্জপথের প্রাস্তধারে
আকন্দ রয় আসন পেতে ।
আয়রে, তোরা মৌমাছি, আয়
আসবে কখন শুকনো খরা,
প্রেতের নাচন নাচবে তখন
রিক্ত নিশায় শীর্ণ জরা ॥





দক্ষিণবায় কানন শাখায়
মিলন-শেষের বাজায় বেণু ;
মাথিয়ে নে আজ পাখায় পাখায়
স্মরণভরা গন্ধ-রেণু ।
কাল যে-কুসুম পড়বে ঝরে
তাদের কাছে নিস্ গো ভরে
ওই বছরের শেষের মধু



এই বছরের মৌচাকেতে ।

নূতন দিনের মৌমাছি, আয়,
নাইরে দেরি, করিস্ স্বরা,
চরম দানে ঐরে সাজায়
বিদায় দিনের দানের ভরা ॥

চৈত্রমাসের হাওয়ায় কাঁপা
দোলন-চাঁপার কুঁড়িখানি
প্রলয়-দাহের রৌদ্রতাপে
বৈশাখে আজ ফুটবে, জানি ।


যা-কিছু তার আছে দেবার
শেষ ক'রে সব নিবি এবার,
যাবার বেলায় যাক্ চলে যাক্
বিলিয়ে দেবার নেশায় মেতে ।



আয়রে, ওরে মৌমাছি, আয়,
আয়রে গোপন মধুহরা,
পরম দেওয়া দিতে যে চায়
ঐ মরণের স্বয়ম্বর ॥



ନଟିଆ ଉପ-
ସ୍ତମ୍ଭର ଖାଲୀ



নটরাজ ঋতুরঙ্গশালা

লিপিচিত্র । উদ্বোধন : স্তবক ২-৩

শিরোনাম-স্থলী		
অহৈতুক	...	৫৪
আষাঢ়	...	২৪
আসন্ন শীত	...	৪০
উদ্বোধন	...	৭
চঞ্চল	...	৫৮
দীপালি	...	৩৮
দোল	...	৬০
নৃত্য	...	১০
প্রত্যাশা	...	২৩
প্রার্থনা	...	৫৩
বসন্ত	...	৪৮
বসন্ত-আবাহন	...	৫১
বসন্তের বিদায়	...	৫২
বিলাপ	...	৫৫
বৈশাখ	...	১৬
বৈশাখ-আবাহন	...	১৮
ব্যঞ্জনা	...	১৯
মনের মাহুঘ	...	৫৬
মাধুরীর ধ্যান	...	২১
মুক্তি-তত্ত্ব	...	১৩
লীলা	...	২৮
শরৎ	...	৩২
শরতের ধ্যান	...	৩৪
শরতের বিদায়	...	৩৫

শাস্তি	...	৩০
শীত	...	৪১
শীতের বিদায়	...	৪৩
শেষ মধু	...	৬৪
শেষ মিনতি	...	৩১
শেষের রং	...	৬৩
শ্রাবণ-বিদায়	...	২৯
স্তব	...	৪৬
হেমস্ত	...	৩৬

প্রথম ছব্বের পৃষ্ঠা

আলোক-রসে মাতাল রাতে	...	৬০
আলোর অমল কমলখানি	...	৩৪
এসো, এসো, এসো, হে বৈশাখ	...	১৮
ওগো শীত, ওগো শুভ্র, হে তীব্র নিশ্চয়	...	৪১
ওগো সন্ন্যাসী, কি গান ঘনালো মনে	...	২৪
ওরে প্রজাপতি, মায়া দিয়ে কে যে	...	৫৮
কত না দিনের দেখা	...	৫৬
কেন পাছ এ চঞ্চলতা	...	৩১
গগনে গগনে আপনার মনে	...	২৮
চরণ-রেখা তব	...	৫৫
জানি তুমি ফিরে আসিবে আবার জানি	...	৫৩
তপের তাপের বাঁধন কাটুক	...	২৩
তুচ্ছ তোমার ধবল-শূন্য-শিরে	...	৪৩
তোমার আসন পাত্বে কোথায়	...	৫১
ধ্যান-নিমগ্ন নীরব নগ্ন	...	১৬
ধ্বনিল গগনে আকাশ-বাণীর বীণ্	...	৩২
নৃত্যের তালে তালে, নটরাজ	...	১০
পাগল আজি আগল খোলে	...	৩০
বসন্তবায় সন্ন্যাসী যায়	...	৬৪
মধ্যদিনে যবে গান	...	২১
মনে র'বে কি না র'বে আমারে	...	৫৪
মন্দিরার মন্ত্র তব বন্ধে আজি বাজে, নটরাজ	...	৭
মুক্তি-তত্ত্ব শূন্যে ফিরিস্	...	১৩
মুখখানি করে। মলিন বিধুর	...	৫২
যায়রে শ্রাবণ-কবি রস-বর্ষা কাস্ত করি তা'র	...	২৯
রাঙিয়ে দিয়ে যাওগো এবার	...	৬৩

শিউলি ফুল, শিউলি ফুল	...	৩৫
শীতের বনে কোন্ সে কঠিন	...	৪০
শুনতে কি পাস্	...	১২
হিমের রাতে ঐ গগনের	...	৩৮
হে বসন্ত, হে সুন্দর, ধরণীর ধ্যান-ভরা ধন	...	৪৮
হে সন্ন্যাসী	...	৪৬
হে হেমন্ত-লক্ষ্মী, তব চক্ষু কেন রক্ষ চূলে ঢাকা	...	৩৬

নটরাজ ঋতুরঙ্গশালা, 'বিচিত্রা' মাসিক পত্রের প্রথম সংখ্যায়
(আষাঢ় ১৩৩৪) প্রথম-প্রকাশ-কালে শিল্পাচার্য নন্দলাল বসুর অঙ্কিত
চিত্রভূষণে বিভূষিত। বর্তমান গ্রন্থ তাহার পুনর্মুদ্রণ।

'নটরাজ' বিভূষণবর্জিত, পরিবর্তিত, পরিবর্ধিত আকারে ১৩৩৮
আশ্বিনের বনবাণী কাব্যে সংগ্রহিত। প্রচলিত বনবাণী গ্রন্থে এবং
অষ্টাদশ-খণ্ড রবীন্দ্র-রচনাবলীতে গ্রন্থপরিচয় দ্রষ্টব্য।

© বিশ্বভারতী ১৯৭৪

প্রকাশক রণজিৎ রায়

বিশ্বভারতী গ্রন্থনবিভাগ

১০ প্রিটোরিয়া স্ট্রীট। কলিকাতা ১৬

মুদ্রক শ্রীসূর্যনারায়ণ ভট্টাচার্য

তাপসী প্রেস। ৩০ বিধান সরণী। কলিকাতা ৬